



Title	詩
Author(s)	三輪, 時雄
Citation	懷徳. 1930, 8, p. 84-85
Version Type	VoR
URL	https://hdl.handle.net/11094/88818
rights	
Note	

The University of Osaka Institutional Knowledge Archive : OUKA

<https://ir.library.osaka-u.ac.jp/>

The University of Osaka

埃及改羅府郊行

黃流滾々乃河斜。綠野天開禾接瓜。一路閒行希撒郭。合歡花映木綿花。

入英京作

樓船日々逐鵬程。惡熱狂濤魂幾驚。一夜砧聲人萬里。滿天明月入龍城。

西獨途上作

邱陵起伏盡平原。處々塔尖楊柳村。水細草肥牛步健。秋風未老牧人門。

巴里薛延河橋上作

薛水兩涯林盡黃。曉來煙雨見微陽。傍人謬作思詩客。獨立橋頭遙憶鄉。

瑞西山中作

溪上山坡碧草濃。懸崖織錦瀑淙淙。誰知秋景兼冬景。落日半天望雪峯。

偶感

往來二萬八千程。歷國十三經眼明。借問盛衰緣底事。唯從勤惰兩途生。

致仕書感

三輪時雄

一

池塘春夢接秋桐。日月愆々駒隙同。回首何將報天子。七年事業始無功。

余爲大阪工廠長實七年

二

奉職華城二十年。當時綠髮已皤然。半生寄寓適心境。吾與澱江如有緣。

余入大阪砲兵工廠實明治四十三年

三

久負鄉關萬浪華。天恩今日賜安車。素期橫槊賦詩地。却入造兵鎔鐵衙。
幾樹疎梅護門廡。千竿修竹映窓紗。此間好恣棲遲樂。雨讀晴耕康壽加。

歌

元祿の昔郷賢阪上稻丸か編著の俳諧吳服絹を寫して

池田 林 田 良 平

わか里にかゝる人あり書もあり芭蕉鬼貫ごきめきし世に

享保の昔郷賢田中桐江か門生渡邊掬雲か宅の牡丹を見て作りし牡丹花記を讀みて

うたはれし千兩牡丹もその家も今はなき世そ牡丹ところに

伊丹良蓮寺跡にて

奈良の代の瓦ひろふと松原の大き百足をあまたゝひ踏む

箕面にて

杉の間に咲きてそよきをくなたふれ櫻うゝると杉きりはらふ